

- e) donosi propise o organiziranju i funkcioniranju civilne zaštite u Kantonu, u skladu sa Federalnim zakonom i osigurava njihovo funkcioniranje;
- f) donosi akt o osnivanju Kantonalnog štaba civilne zaštite;
- g) proglašava nastanak prirodne i druge nesreće na Kantonu, na prijedlog Kantonalnog štaba civilne zaštite;
- h) osigurava potrebna finansijska sredstva u budžetu Kantona za potrebe zaštite i spašavanja iz nadležnosti Kantona;
- i) određuje pravna lica i udruženja od kojih će se organizirati službe zaštite i spašavanja, koje će djelovati na području Kantona;
- j) osniva samostalne službe zaštite i spašavanja za potrebe Kantona;
- k) osniva jedinice civilne zaštite specijalizirane namjene u Kantonu;
- l) vrši i druge poslove zaštite i spašavanja, u skladu sa Federalnim zakonom, ovim Zakonom i drugim propisima.

Član 6.

(Kantonalna ministarstva i drugi organi uprave Kantona)

Kantonalna ministarstva i drugi organi uprave Kantona u oblasti zaštite i spašavanja:

- a) organiziraju, planiraju i osiguravaju provođenje preventivnih mjera za zaštitu vlastitog ljudstva, materijalnih sredstava i objekata koje koriste u svom radu;
- b) učestvuju u izradi Procjene ugroženosti od prirodnih i drugih nesreća u Kantonu, Programa razvoja zaštite i spašavanja od prirodnih i drugih nesreća u Kantonu i Plana zaštite i spašavanja od prirodnih i drugih nesreća u Kantonu, u pitanjima iz oblasti za koju su osnovani i u okviru svoje redovne djelatnosti realizuju zadatke, koji se za njihove oblasti utvrde u tim dokumentima i odgovorni su za stanje te zaštite u svojoj oblasti;
- c) provode mjere zaštite i spašavanja ljudi i materijalnih dobara iz svoje oblasti, a naročito mjere koje naredi Kantonalni štab civilne zaštite, koje se odnose na angažiranje službi zaštite i spašavanja, privrednih društava i drugih pravnih lica u zaštiti i spašavanju;
- d) obavještavaju Kantonalnu upravu civilne zaštite o podacima koji su od značaja za planiranje, organiziranje i provođenje zaštite i spašavanja ljudi i materijalnih dobara iz nadležnosti Kantona i u tom cilju ostvaruju stalnu saradnju;
- e) ostvaruju stalnu saradnju i pružanje stručne pomoći općinskim službama za upravu i općinskim službama civilne zaštite, u smislu osiguranja svih potrebnih podataka iz svoje nadležnosti pri izradi Procjene ugroženosti od prirodnih i drugih nesreća u općini, Programa razvoja zaštite i spašavanja od prirodnih i drugih nesreća u općini, Plana zaštite i spašavanja od prirodnih i drugih nesreća u općini, te drugih planskih dokumenata koji se izrađuju u općinama, kao i realizovanju zadataka utvrđenih u tim programima i planovima;
- f) učestvuju u izradi elaborata za izvođenje zajedničkih i samostalnih vježbi zaštite i spašavanja;
- g) vrše i druge poslove u oblasti zaštite i spašavanja, u skladu sa Federalnim zakonom, ovim Zakonom, drugim propisima i općim aktima.

ODJELJAK B.

KANTONALNA UPRAVA CIVILNE ZAŠTITE

Član 7.

(Upravni, stručni i koordinirajući poslovi)

(1) Kantonalna uprava civilne zaštite (u daljem tekstu: Kantonalna uprava) vrši upravne, stručne i druge poslove u oblasti zaštite i spašavanja iz nadležnosti Kantona.

(2) Kantonalna uprava podstiče, usmjerava i koordinira aktivnosti svih Kantonalnih organa uprave da vrše poslove zaštite i spašavanja iz svoje nadležnosti.

(3) Kantonalna uprava pruža i odgovarajuću stručnu pomoć organima iz stava (2) ovog člana, kako bi poslove zaštite i spašavanja vršili pravilno i kontinuirano.

(4) Kantonalna uprava vodi propisane evidencije i vrši druge poslove zaštite i spašavanja, u skladu sa zakonom, drugim propisima i općim aktima.

Član 8.

(Obaveze u izradi planskih dokumenata)

(1) Kantonalna uprava je nosilac aktivnosti oko pripremanja i izrade planskih dokumenata Kantona, i to:

- a) Procjene ugroženosti od prirodnih i drugih nesreća u Kantonu;
- b) Programa razvoja zaštite i spašavanja od prirodnih i drugih nesreća u Kantonu;
- c) Plana zaštite i spašavanja od prirodnih i drugih nesreća u Kantonu.

(2) Sva pitanja koja se odnose na obavezu Kantonalne uprave u izradi planskih dokumenata iz stava (1) ovog člana, bliže su uređena u članovima 56. do 59. ovog Zakona.

Član 9.

(Praćenje stanja priprema zaštite i spašavanja i predlaganje mjera)

(1) Kantonalna uprava prati stanje priprema i zaštite i spašavanja i predlaže mjere za unapređenje organizacije i osposobljavanja civilne zaštite Kantona i općine.

(2) Ovlaštenje iz stava (1) ovog člana Kantonalna uprava ostvaruje vršenjem inspekcijskog nadzora, kao i pribavljanjem raznih izvještaja i informacija od Kantonalnih organa uprave, općinskih službi civilne zaštite i pravnih lica u Kantonu, o stanju organizacije i funkcioniranja zaštite i spašavanja u pojedinim oblastima na području Kantona.

(3) Na osnovu prikupljenih podataka iz stava (2) ovog člana, Kantonalna uprava vrši procjenu stanja priprema i zaštite i u cilju rješavanja utvrđenih problema:

- a) u granicama svoje nadležnosti poduzima konkretne odgovarajuće mjere i aktivnosti kod nadležnih Kantonalnih organa uprave, pravnih lica i organa uprave općina, u pravcu rješavanja konstatovanih nedostataka i propusta, te pruža stručnu pomoć da se riješe ti problemi;
- b) ima obavezu da o tom stanju, putem informacija i drugih akata, upozna Vladu Kantona i predloži mjere koje bi Vlada Kantona utvrdila za organe u čijoj oblasti postoje problemi i nedostaci u pripremanju zaštite i spašavanja.

Član 10.

(Organiziranje i praćenje realizacije obuke nosilaca civilne zaštite)

(1) Kantonalna uprava organizira i provodi obučavanje svih struktura civilne zaštite koje formira Kanton i državnih službenika i namještenika iz Kantonalnih organa uprave i drugih tijela Kantonalne uprave.

(2) Obuka se odnosi na obučavanje i osposobljavanje za ličnu i kolektivnu zaštitu, a vrste tema i način njihove obrade utvrđuju se planovima i programima obuke, donijetim od strane nadležnog federalnog organa.

Član 11.

(Provođenje mjera zaštite i spašavanja, zaštite od požara i vatrogastva)

(1) Kantonalna uprava vrši poslove koji se odnose na provođenje mjera zaštite i spašavanja, u skladu sa zakonom.

(2) Kantonalna uprava neposredno vrši poslove koji se odnose na zaštitu od požara i vatrogastvo, na način i u obimu kako to predviđa zakon kojim se regulira zaštita od požara i vatrogastvo.

(3) Kantonalna uprava je dužna da koordinira (podstiče i usmjerava) aktivnosti Kantonalnih organa uprave i pravnih lica u vršenju poslova iz njihove nadležnosti u oblasti zaštite i spašavanja.

Član 12.

(Organiziranje Kantonalnog operativnog centra civilne zaštite)

(1) U sastavu Kantonalne uprave organizira se Kantonalni operativni centar civilne zaštite.

(2) Poslovi koje obavlja Kantonalni operativni centar civilne zaštite, radno vrijeme, potreban broj izvršilaca, način funkcioniranja, veze koje koristi, povezivanje sa davaocima informacija i druga pitanja vezana za Kantonalni operativni centar civilne zaštite, definirani su u članovima 48. do 52. ovog Zakona.

Član 13.

(Obaveze oko vježbi iz oblasti zaštite i spašavanja)

(1) Kantonalna uprava predlaže programe zajedničkih i samostalnih vježbi i izradu elaborata za izvođenje vježbi pripadnika civilne zaštite, organa uprave, privrednih društava i drugih pravnih lica iz oblasti zaštite i spašavanja.

(2) Poslovi iz stava (1) ovog člana vrše se:

- a) putem organiziranja samostalnih vježbi za strukture civilne zaštite za koje je ona nadležna, a to su: Kantonalni i općinski štabovi civilne zaštite, povjerenici civilne zaštite, jedinice civilne zaštite Kantona i općina i službe zaštite i spašavanja Kantona i općina;
- b) putem organiziranja zajedničkih vježbi civilne zaštite, u saradnji i uz učešće Kantonalnih organa uprave i uz mogućnost učešća općinskih organa uprave sa područja Kantona.

(3) Zajedničke vježbe iz stava (2) tačka b) ovog člana se organiziraju na osnovu odluke Vlade Kantona, koju predlaže Kantonalna uprava, a učešće općinskih organa uprave u tim vježbama vrši se u saradnji sa općinskim načelnicima.

(4) Cilj vježbi, u smislu ovog člana, je provjera stanja organiziranosti i načina funkcioniranja struktura civilne zaštite, odnosno svih subjekata zaštite i spašavanja u Kantonu i općinama na području Kantona.

Član 14.

(Popuna ljudstvom štabova, jedinica i službi)

Kantonalna uprava predlaže i poduzima mjere za popunu ljudstvom Kantonalnog štaba civilne zaštite, jedinica civilne zaštite na nivou Kantona i službi zaštite i spašavanja, te njihovo opremanje materijalno-tehničkim sredstvima, u skladu sa Federalnim zakonom.

Član 15.

(Pripremanje propisa u oblasti zaštite i spašavanja)

Kantonalna uprava je dužna da priprema propise u oblasti zaštite i spašavanja iz nadležnosti Kantona, odnosno da izrađuje predmete, nacрте i prijedloge propisa iz ove oblasti, koje donosi Skupština Kantona ili Vlada Kantona.

Član 16.

(Obuka stanovništva i pomoć službama civilne zaštite općina)

(1) Kantonalna uprava organizira i provodi obučavanje svih struktura civilne zaštite koje formira Kanton i državnih službenika i namještenika iz Kantonalnih organa uprave i drugih tijela

Kantonalne uprave, koji nisu raspoređeni u određene strukture civilne zaštite.

(2) Kantonalna uprava pruža pomoć službama civilne zaštite općina, vezano za organiziranje i provođenje obuke struktura civilne zaštite koje formira općina, građana i državnih službenika i namještenika iz općinskih službi za upravu i drugih tijela općinske uprave, koji nisu raspoređeni u određene strukture civilne zaštite.

(3) Obučavanje i osposobljavanje za ličnu i kolektivnu zaštitu vrši se po nastavnim planovima i programima, koje, u skladu sa zakonom, donosi nadležni federalni organ.

Član 17.

(Vršenje inspekcijuskog nadzora iz oblasti zaštite i spašavanja)

(1) Inspekcijски nadzor iz nadležnosti Kantonalne uprave vrše Kantonalni inspektori civilne zaštite, a u određenim slučajevima i državni službenici, koje posebnim pismenim rješenjem ovlasti direktor Kantonalne uprave.

(2) Inspektor može biti lice koje ima završenu odgovarajuću visoku školsku spremu, položen stručni upravni ispit, odnosno ispit za državne službenike, u skladu sa Zakonom o državnoj službi u Federaciji Bosne i Hercegovine, radno iskustvo od najmanje tri godine nakon završene visoke školske spremlje, te druge uslove, u skladu sa zakonom.

(3) Inspektor je državni službenik sa posebnim ovlaštenjima.

(4) Osnovna plaća inspektora uvećava se za procenat od 20%, kao dodatak za obavljanje poslova sa posebnim ovlaštenjima i uslovima rada.

(5) Broj inspektora i posebni uslovi koje moraju ispunjavati, utvrđuje se u Pravilniku o unutrašnjoj organizaciji Kantonalne uprave.

POGLAVLJE III. ORGANIZIRANE STRUKTURE CIVILNE ZAŠTITE

ODJELJAK A.

KANTONALNI ŠTAB CIVILNE ZAŠTITE

Član 18.

(Definicija i opća nadležnost)

Kantonalni štab civilne zaštite (u daljem tekstu: Kantonalni štab) je poseban operativno-stručni organ koji neposredno rukovodi akcijama zaštite i spašavanja na području Kantona, nakon što Vlada Kantona proglasi nastanak stanja prirodne ili druge nesreće na području Kantona, odnosno kada treba preventivno djelovati prije nastanka prirodne i druge nesreće, te za vrijeme vježbi civilne zaštite i ratnog stanja.

Član 19.

(Način osnivanja i sastav Kantonalnog štaba)

(1) Komandanta, načelnika i članove Kantonalnog štaba postavlja i razrješava Vlada Kantona.

(2) Premijer Kantona ili ministar, kojeg određuje premijer, je po položaju komandant štaba.

(3) Direktor Kantonalne uprave je po položaju načelnik štaba.

(4) Sekretar Crvenog krsta/križa Kantona je po funkciji član štaba.

(5) Ostali članovi štaba postavljaju se iz reda:

a) ministara ili rukovodećih državnih službenika iz Kantonalnih ministarstava i samostalnih uprava (direktori uprava, sekretari, pomoćnici, glavni inspektori), u skladu sa aktom o osnivanju i sastavu Kantonalnog štaba;

b) rukovodećih i drugih državnih službenika iz Kantonalne uprave, prvenstveno onih koji se nalaze na radnim mjestima na kojima neposredno vrše poslove vezane za mjere zaštite i spašavanja i drugim sličnim poslovima;

c) rukovodilaca (direktori) određenih pravnih lica (npr. iz zdravstva, veterinarstva, vatrogastva i slično), ako nema odgovarajućih kadrova u Kantonalnim organima uprave, a u cilju pokrivenosti svih značajnijih oblasti.

(6) Postavljanje i razrješenje u Kantonalnom štabu vrši se aktom o osnivanju i sastavu Kantonalnog štaba, koji donosi Vlada Kantona, na prijedlog Kantonalne uprave.

Član 20.

(Način djelovanja Kantonalnog štaba)

(1) Kantonalni štab je kolegijalni organ, čije se funkcioniranje zasniva na aktivnosti svakog njegovog člana da prati situaciju u oblasti za koju je nadležno njegovo ministarstvo, Kantonalna uprava ili pravno lice.

(2) Svaki član Kantonalnog štaba dužan je odmah upoznati komandanta i načelnika štaba o svim saznanjima o opasnosti ili nastanku prirodne ili druge nesreće u oblasti za koju je zadužen, a komandant i načelnik štaba su nadležni da odluče o potrebi održavanja sjednice štaba radi razmatranja tog pitanja.

(3) Ukoliko Kantonalni štab donese naredbu o poduzimanju određenih mjera zaštite i spašavanja, istu treba da sprovedi ono ministarstvo, uprava ili pravno lice u čijoj oblasti je došlo do nastanka prirodne ili druge nesreće, a sprovođenje naredbe obezbjeđuje član Kantonalnog štaba zadužen za tu oblast.

Član 21.

(Nadležnosti Kantonalnog štaba)

Kantonalni štab vrši sljedeće poslove:

- a) odlučuje o upotrebi i angažiranju svih snaga i sredstava civilne zaštite i drugih subjekata na području cijelog Kantona i usmjerava ih na ona područja Kantona koja su ugrožena prirodnom ili drugom nesrećom, kada ocijeni da je takvo angažiranje potrebno;
- b) operativno na terenu odlučuje o angažiranju učesnika na ona mjesta gdje je potrebno i usmjerava njihove aktivnosti;
- c) naređuje mjere koje treba poduzimati i obezbjeđuje sprovođenje tih mjera;
- d) određuje redoslijed radnji i broj učesnika na pojedinim zadacima;
- e) rješava sva pitanja koja se u toku aktivnosti na zaštiti i spašavanju pojave u vezi sa angažiranjem snaga i sredstava civilne zaštite i provođenja mjera zaštite i spašavanja i samozaštite građana;
- f) u pogledu upravljanja akcijama, te usklađivanja i usmjeravanja akcija zaštite i spašavanja, izdaje naređenja općinskim štabovima civilne zaštite, jedinicama i službama zaštite i spašavanja i drugim subjektima od interesa za zaštitu i spašavanje;
- g) nalaže općinskim štabovima civilne zaštite, štabovima pravnih lica u kojima su ti štabovi osnovani, jedinicama i službama zaštite i spašavanja koje osniva Vlada Kantona, da učestvuju u preduzimanju mjera i aktivnosti na zaštiti i spašavanju na određenom području;
- h) nalaže angažiranje snaga i sredstava civilne zaštite i sredstava pravnih subjekata i građana sa područja jedne općine na ugroženo područje druge općine u Kantonu;
- i) na prijedlog Federalnog štaba civilne zaštite, nalaže angažiranje snaga i sredstava civilne zaštite na pružanju pomoći ugroženom području van područja Kantona, u skladu sa Federalnim zakonom;
- j) donosi Plan korištenja finansijskih sredstava ostvarenih kroz posebnu naknadu za zaštitu od prirodnih i drugih nesreća, na koji Vlada Kantona daje saglasnost;
- k) donosi odluke o trošku sredstava iz tačke j), u skladu sa zakonom i drugim propisima i općim aktima;
- l) donosi odluke o trošku finansijskih sredstava, koja se planiraju u budžetu Kantona, na poziciji Kantonalnog štaba;

m) predlaže Vladi Kantona proglašenje stanja prirodne ili druge nesreće;

n) predlaže Vladi Kantona mjere za prevazilaženje stanja nastalih usljed prirodne i druge nesreće;

o) donosi plan rada za tekuću godinu i izvještaj o radu, te razmatra i donosi druge akte iz svoje nadležnosti;

p) odlučuje o svim drugim aktivnostima, za koje ocijeni da su potrebne radi efikasnijeg spašavanja ljudi i materijalnih dobara, odnosno uklanjanju nastalih posljedica na ugroženom području.

Član 22.

Kantonalni štab koristi ovlaštenja, navedena u članu 21., a koja se odnose na upravljanje akcijama zaštite i spašavanja, od dana kada Vlada Kantona proglasi nastanak neke prirodne ili druge nesreće, pa do momenta kada proglasi da je prestalo stanje prirodne ili druge nesreće ili odluči da štab funkcionira dok se ne izvrši saniranje nastalih posljedica i stvore uslovi za normalan život i rad ljudi na ugroženom području.

Član 23.

Na prijedlog Kantonalnog štaba, Vlada Kantona proglašava stanje prirodne ili druge nesreće, ako prijete ili je nastala prirodna ili druga nesreća velikih razmjera na području dvije ili više općina istovremeno, odnosno na cijelom prostoru jedne općine, a snage i sredstva tih općina, odnosno te općine, nisu dovoljna za sprečavanje opasnosti, odnosno otklanjanje posljedica njihovih djelovanja.

Član 24.

(Odnos Kantonalnog štaba prema drugim štabovima civilne zaštite)

(1) Kantonalni štab može narediti općinskim štabovima civilne zaštite poduzimanje mjera i aktivnosti na zaštiti i spašavanju od prirodnih ili drugih nesreća, u slučajevima utvrđenim ovim Zakonom i Federalnim zakonom.

(2) Kantonalni štab obavezan je da poduzima mjere i aktivnosti na zaštiti i spašavanju po naređenju Federalnog štaba civilne zaštite, u slučajevima utvrđenim zakonom.

ODJELJAK B.

OPĆINSKI ŠTAB CIVILNE ZAŠTITE

Član 25.

(Definicija i opća nadležnost)

(1) Općinski štab civilne zaštite (u daljem tekstu: Općinski štab) je poseban operativno-stručni organ koji ima ovlaštenja u rukovođenju akcijama zaštite i spašavanja na području općine, u skladu sa zakonom i drugim propisima.

(2) Općinski štab mora se osnovati u svakoj općini.

(3) Osnovna pitanja oko sastava i kriteriji za sastav Općinskog štaba reguliraju se u Odluci o organiziranju i funkcioniranju zaštite i spašavanja općine, koju donosi općinsko vijeće.

(4) Općinski štab aktivira se kada načelnik općine proglasi da je nastalo stanje prirodne i druge nesreće ili kada treba preventivno djelovati prije nastanka prirodne i druge nesreće, te za vrijeme vježbi civilne zaštite i ratnog stanja.

Član 26.

(Način osnivanja i sastav Općinskog štaba)

(1) Komandanta, načelnika i članove Općinskog štaba, u skladu sa Odlukom općinskog vijeća iz člana 25. stav (3) ovog

Zakona, na prijedlog općinske službe civilne zaštite, postavlja i razrješava rješenjem općinski načelnik.

(2) Općinski načelnik ili predsjedavajući općinskog vijeća ili zamjenik predsjedavajućeg općinskog vijeća je, po položaju, komandant štaba.

(3) Rukovodilac općinske službe civilne zaštite je, po položaju, načelnik štaba.

(4) Sekretar Crvenog krsta/križa općine je, po funkciji, član Općinskog štaba.

(5) Ostali članovi štaba postavljaju se iz reda:

- a) rukovodilaca općinskih službi za upravu;
- b) određenog broja državnih službenika iz općinske službe civilne zaštite, zaduženih za mjere zaštite i spašavanja i druge slične poslove;
- c) načelnik Policijske uprave ili komandir Policijske stanice;
- d) rukovodilaca određenih pravnih lica (npr. iz zdravstva, veterinarstva, vatrogastva i slično), ako nema odgovarajućih kadrova u općinskim službama za upravu za te oblasti.

(6) Odlukom općinskog vijeća, iz člana 25. stav (3), reguliraju se osnovna pitanja sastava i kriterija za sastav Općinskog štaba, kao i način njegovog djelovanja, u skladu sa zakonom.

Član 27.

(Proglašenje stanja prirodne ili druge nesreće)

Kada prirodna ili druga nesreća nadilazi mogućnosti djelovanja službi, organa i organizacija na području općine, koje se u okviru svoje redovne djelatnosti bave zaštitom ljudi i materijalnih dobara od prirodnih i drugih nesreća, na prijedlog Općinskog štaba, načelnik općine proglašava stanje prirodne ili druge nesreće.

ODJELJAK C.

POVJERENICI CIVILNE ZAŠTITE

Član 28.

(Povjerenici civilne zaštite za Kantonalne organe uprave, upravne organizacije i stručne i druge službe)

(1) Povjerenici civilne zaštite (u daljem tekstu: povjerenici) se postavljaju u:

- a) Kantonalnim organima uprave;
- b) Kantonalnim upravnim organizacijama;
- c) stručnim i drugim službama kantonalnih organa uprave;
- d) stručnim službama kantonalnih organa zakonodavne i izvršne vlasti, sudovima, tužilaštvu, pravobranilaštvu i drugim organima.

(2) U svakom od organa, navedenih u stavu (1) ovog člana, određuje se jedan povjerenik, a u slučaju kada se u istoj zgradi nalazi više organa, službi ili upravnih organizacija, može se za sve te organe i službe odrediti jedan zajednički povjerenik, vodeći računa da li jedan povjerenik može vršiti poslove za sve te organe i službe, obzirom na broj organa i službi, broj zaposlenih lica, veličinu prostora, broj spratova i drugo.

Član 29.

(Način postavljanja povjerenika)

(1) Za povjerenike u organima uprave i drugim organima vlasti i službama za upravu određuju se državni službenici i namještenici koji se nalaze u radnom odnosu u istim.

(2) Povjerenik bi trebao biti mlađe lice sa najmanje srednjom stručnom spremom.

(3) Povjerenika postavlja i razrješava rukovodilac organa uprave, odnosno ustanove, a kada je više organa smješteno u istoj zgradi, sporazumno rukovodioci tih organa, odnosno ustanova.

(4) Postavljenje povjerenika se vrši pismenim rješenjem, koje sadrži:

- a) lične podatke lica koje se postavlja na funkciju povjerenika,
- b) njegovu adresu,
- c) opis objekata i prostora za koji je zadužen,
- d) osnovni sadržaj poslova koje će vršiti na toj funkciji,
- e) pregled organa sa kojima ostvaruje saradnju u vršenju poslova iz nadležnosti povjerenika civilne zaštite.

(5) Uručenjem rješenja postavljeno lice se uvodi u funkciju povjerenika.

Član 30.

(Nadležnosti povjerenika)

(1) Povjerenici vrše poslove koji se odnose na organiziranje i pripremanje mjera i aktivnosti za sudjelovanje zaposlenika u provođenju lične i kolektivne zaštite i mjera zaštite i spašavanja u zgradama i objektima za koje su zaduženi, a posebno:

- a) iniciraju i predlažu mjere i aktivnosti koje treba da vrše državni službenici i namještenici na zadacima provođenja lične i kolektivne zaštite;
- b) predlažu koja sredstva i opremu treba nabaviti za provođenje zaštite;
- c) predlažu mjere zaštite i spašavanja koje treba provoditi na zaštiti od prirodnih i drugih nesreća;
- d) obavljaju lično određene zadatke u oblasti za koju su postavljeni.

(2) Povjerenik vrši poslove za koje je nadležan, uz neophodnu pomoć rukovodioca organa uprave i drugih organa.

(3) Bliža i detaljnija nadležnost povjerenika utvrđuje se u Planu zaštite i spašavanja od prirodnih i drugih nesreća i u federalnom podzakonskom propisu.

ODJELJAK D.

SLUŽBE ZAŠTITE I SPAŠAVANJA

Član 31.

(Definicija i opća nadležnost)

(1) Služba zaštite i spašavanja je poseban oblik organiziranja civilne zaštite za vršenje određenih poslova, koji su u neposrednoj funkciji zaštite i spašavanja ljudi i materijalnih dobara od određenih vrsta prirodnih nepogoda i drugih nesreća.

(2) Službe zaštite i spašavanja formiraju se, u pravilu, u pravnim licima čija je redovna (osnovna) djelatnost značajna za zaštitu i spašavanje, kao što su: zdravstvo, veterinarstvo, stambeni i komunalni poslovi, vodoprivreda, šumarstvo, poljoprivreda, hemijska i petrohemijska industrija, rudarstvo, građevinarstvo, transport, opskrba, ugostiteljstvo, vatrogastvo, zaštita okolice i drugo.

(3) Službe zaštite i spašavanja namijenjene su za vršenje poslova iz svoje nadležnosti u fazi preventivne zaštite, odnosno zaštite prije nesreće, i operativne zaštite u fazi spašavanja ljudi i materijalnih dobara, odnosno zaštititi kada nastane nesreća, i u fazi otklanjanja nastalih posljedica.

Član 32.

(Službe zaštite i spašavanja u pravnim licima)

(1) Organiziranje službi zaštite i spašavanja u pravnim licima iz člana 31. ovog Zakona može se vršiti na jedan od načina:

- a) da se odredi jedan ili više organizacionih dijelova pravnog lica, koji će, u okviru obavljanja djelatnosti iz svoje nadležnosti, istovremeno vršiti i funkciju službe zaštite i spašavanja;
- b) da se u pravnom licu formira posebna služba zaštite i spašavanja;

c) da cijelo pravno lice vrši funkciju službe zaštite i spašavanja, u slučaju da je cjelokupna djelatnost pravnog lica vezana za zaštitu i spašavanje u određenoj oblasti.

(2) Kada nadležni organ vlasti donese akt kojim se određuju pravna lica i udruženja građana u kojima se imaju formirati službe zaštite i spašavanja, onda su ta lica dužna u svom općem aktu o unutrašnjoj organizaciji konkretno odrediti organizacioni dio ili više organizacionih dijelova ili formirati posebnu službu koja će vršiti funkciju službe zaštite i spašavanja.

Član 33.

(Nadležnosti službi za zaštitu i spašavanje i vrijeme vršenja tih poslova)

(1) Preventivna zaštita vrši se u pravnom licu u okviru njegove redovne djelatnosti, a na njenom vršenju angažiraju se pripadnici zaštite i spašavanja u pravnom licu.

(2) Operativnu zaštitu neposredno vrše službe zaštite i spašavanja, u situaciji kada nastane prirodna ili druga nesreća i kada štab civilne zaštite, koji rukovodi akcijama zaštite i spašavanja na ugroženom području, naredi njihovo angažiranje.

(3) Prestanak angažiranja službi zaštite i spašavanja naređuje štab civilne zaštite, koji na ugroženom području rukovodi akcijama zaštite i spašavanja.

Član 34.

(Popuna ljudstvom službi zaštite i spašavanja)

(1) U službe zaštite i spašavanja raspoređuju se zaposlenici pravnog lica, u kojem je organizirana ta služba, a koji se nalaze na radnim mjestima na kojima se obavljaju poslovi preventivne i operativne zaštite i spašavanja, koji su stavljani u nadležnost tih službi.

(2) Primjena odredbi iz stava (1) ovog člana vrši se nakon što se u okviru akta o unutrašnjoj organizaciji pravnog lica utvrdi sistematizacija radnih mjesta za formiranu službu zaštite i spašavanja.

(3) Raspored u službe zaštite i spašavanja se vrši donošenjem rješenja.

Član 35.

(Odlučivanje o organizaciji službi zaštite i spašavanja)

(1) Akt kojim se vrši određivanje pravnih lica i udruženja u kojima će se formirati određene službe zaštite i spašavanja pripremaju Kantonalna uprava i Općinska služba civilne zaštite, zavisno od područja djelovanja, uz učešće svih drugih organa uprave i upravnih organizacija Kantona, odnosno općine, a donosi ga Vlada Kantona, odnosno općinski načelnik.

(2) Polazni osnov za utvrđivanje broja i vrsta službi zaštite i spašavanja predstavlja Procjena ugroženosti od prirodnih i drugih nesreća, u kojoj moraju biti iskazane potrebe za tim službama.

(3) Osnovni uslovi za formiranje službi zaštite i spašavanja, kao i druga pitanja od značaja za te službe, utvrđeni su u federalnom podzakonskom propisu.

Član 36.

(Organiziranje samostalnih službi zaštite i spašavanja van pravnih lica)

(1) Za područje Kantona, odnosno općine, mogu se formirati kantonalne, odnosno općinske samostalne službe zaštite i spašavanja.

(2) Uslovi za formiranje službi iz stava (1) ovog člana su:

a) da se službe ne mogu organizirati u sastavu pravnog lica, na način predviđen zakonom;

b) da je u Procjeni ugroženosti od prirodnih i drugih nesreća predviđena potreba za organiziranjem te vrste službi zaštite i spašavanja;

c) da ne postoje druge službe koje bi vršile neophodne poslove.

(3) Zavisno od potreba iskazanih u Procjeni ugroženosti od prirodnih i drugih nesreća, mogu se formirati jedna ili više vrsta službi zaštite i spašavanja.

(4) Službe zaštite i spašavanja na nivou Kantona formira Vlada Kantona, a službe na nivou općine formira općinski načelnik.

(5) Dvije ili više susjednih općina mogu zajedničkim aktom formirati zajedničku ili više službi zaštite i spašavanja, uz ispunjenje uslova iz stava (2) ovog člana.

(6) Zajednički akt iz stava (5) ovog člana (sporazum ili ugovor) pripremaju općinske službe civilne zaštite svih općina, koje žele da formiraju zajedničke službe zaštite i spašavanja, a isti mora da regulira sva pitanja utvrđena zakonom, kao i konkretne obaveze svake općine u odnosu na zajedničke službe zaštite i spašavanja i način njihove upotrebe.

Član 37.

(Obaveze organa koji formira službe)

(1) Organ koji formira službe iz člana 36. ovog Zakona dužan je:

a) obezbijediti stručni kadar za njihovu popunu;

b) obezbijediti finansijska sredstva za njihov rad (nabavka materijalno tehničkih sredstava i opreme);

c) kontinuirano provoditi obučavanje i osposobljavanje.

(2) Utvrđivanje potrebnih uslova i pripremanje akta (odluke) za formiranje samostalnih službi zaštite i spašavanja vrši Kantonalna uprava, odnosno Općinska služba civilne zaštite, svaka za svoj nivo vlasti.

(3) Sve poslove vezane za obaveze osnivača samostalne službe zaštite i spašavanja neposredno vrši Kantonalna uprava, odnosno Općinska služba civilne zaštite, zavisno od toga za čije je potrebe ista organizirana.

(4) Samostalne službe zaštite i spašavanja namijenjene su da poslove iz svoje nadležnosti vrše u fazi spašavanja kada nastane prirodna ili druga nesreća i u fazi otklanjanja posljedica i saniranja stanja na ugroženom području.

(5) Angažiranje službi vrši štab civilne zaštite, koji na ugroženom području rukovodi akcijama zaštite i spašavanja.

Član 38.

(Angažiranje pravnih lica u kojima nisu formirane službe zaštite i spašavanja)

(1) Pravna lica koja se ne bave poslovima iz oblasti, koje su navedene u članu 31. ovog Zakona, mogu se angažirati na zadacima zaštite i spašavanja, bez obzira što u istim nisu formirane odgovarajuće službe zaštite i spašavanja.

(2) Uslovi za angažiranje pravnih lica iz stava (1) ovog člana su: postojanje odgovarajućih stručnih kadrova, opremljenost i osposobljenost za vršenje određenih zadataka na zaštitu i spašavanju, u skladu sa zakonom.

(3) Angažiranje pravnih lica vrši štab civilne zaštite prema ukazanoj potrebi, što se, po pravilu, odnosi na fazu spašavanja i fazu otklanjanja nastalih posljedica.

(4) Pravna lica iz stava (1) ovog člana mogu se angažirati kao ispomoć službama zaštite i spašavanja, kada se procijeni da one nisu u mogućnosti same blagovremeno i potpuno izvršiti sve zadatke iz svoje nadležnosti.

(5) Planom zaštite i spašavanja od prirodnih i drugih nesreća Kantona, odnosno općine, utvrđuje se mogućnost angažiranja pravnih lica, u smislu ovog člana.

ODJELJAK E.
JEDINICE CIVILNE ZAŠTITE

Član 39.

(Definicija i opća nadležnost jedinica civilne zaštite)

(1) Jedinice civilne zaštite predstavljaju opremljene i osposobljene operativne snage za neposredno angažiranje na izvršavanju zadataka zaštite i spašavanja ljudi i materijalnih dobara od prirodnih i drugih nesreća u miru, a u ratu od ratnih dejstava i razaranja.

(2) Jedinice civilne zaštite djeluju u fazi spašavanja ljudi i materijalnih dobara kada nastane određena prirodna ili druga nesreća, te u fazi otklanjanja posljedica izazvanih tom nesrećom.

Član 40.

(Jedinice civilne zaštite opće namjene)

(1) Jedinice civilne zaštite opće namjene predstavljaju najmasovniji oblik učešća građana i zaposlenika i formiraju se za poslove za čije vršenje nisu potrebna posebna znanja i oprema, a služe za vršenje jednostavnijih poslova u zaštiti i spašavanju.

(2) Jedinice civilne zaštite opće namjene mogu se organizirati za Kantonalne organe uprave, općinske službe za upravu, za ustanove i za pravna lica, zavisno od procjene ugroženosti po ljude i materijalna dobra, kao i od ljudskih, materijalnih i drugih mogućnosti osnivača.

(3) Jedinica civilne zaštite opće namjene djeluje na mjestu na kojem su neposredno ugroženi ili nastradali ljudi ili materijalna dobra.

(4) Općine su obavezne organizirati jednu ili više jedinica civilne zaštite opće namjene, zavisno od potreba utvrđenih u Procjeni ugroženosti od prirodnih i drugih nesreća općine.

(5) Akt o formiranju jedinice iz stava (3) ovog člana donosi općinski načelnik, a on sadrži: broj jedinica, njihovu veličinu (tim, odjeljenje, vod) i područje za koje se organiziraju te jedinice (određeno ili cijelo područje općine).

(6) Pripadnici jedinice civilne zaštite treba da budu opremljeni i osposobljeni da mogu sprovoditi osnovne oblike zaštite i spašavanja (mjere zaštite).

Član 41.

(Zajedničke jedinice civilne zaštite opće namjene)

(1) Dva ili više organa i pravnih lica iz stava (2) člana 40. mogu formirati zajedničke jedinice, a akt o formiranju zajedničkih jedinica (sporazum) u tim organima i pravnim licima donose rukovodioci tih organa i direktori pravnih lica, u skladu sa zakonom.

(2) Akt o formiranju zajedničke jedinice civilne zaštite opće namjene za više općinskih službi za upravu, koje su smještene u istoj zgradi, donosi općinski načelnik, a isti sadrži: podatke o brojčanom stanju jedinice, načinu popune ljudstvom iz službi za upravu, rukovođenju jedinicom i obavezama općinske službe civilne zaštite da vrši sve poslove potrebne za tu jedinicu, kao i obavezama rukovodilaca službi za upravu koje imaju prema toj jedinici.

Član 42.

(Jedinice civilne zaštite specijalizirane namjene)

(1) Jedinice civilne zaštite specijalizirane namjene formiraju se za obavljanje specifičnih poslova zaštite i spašavanja, za čije je vršenje potrebno imati posebna znanja i osposobljenost, te posebnu opremu.

(2) Obavezu organiziranja jedinica civilne zaštite specijalizirane namjene imaju općine i Kanton.

(3) Za organiziranje jedinica civilne zaštite specijalizirane namjene potrebni su sljedeći kumulativno ispunjeni uslovi:

- a) da je u Procjeni ugroženosti od prirodnih i drugih nesreća Kantona ili općine utvrđena potreba za formiranjem tih jedinica;
- b) da postoje odgovarajući stručni kadrovi za vršenje poslova iz nadležnosti tih jedinica;
- c) da postoje odgovarajuća materijalno-tehnička sredstva i oprema za vršenje poslova iz nadležnosti tih jedinica;
- d) da službe zaštite i spašavanja, snage pravnih lica i jedinice civilne zaštite opće namjene, nisu dovoljne za vršenje svih poslova zaštite i spašavanja na području Kantona, odnosno općine.

(4) Kanton i općina samostalno odlučuju o potrebi formiranja jedinica iz stava (1) ovog člana, u skladu sa uslovima iz stava (3) ovog člana.

Član 43.

(Poslovi koje vrše jedinice civilne zaštite specijalizirane namjene)

Jedinice civilne zaštite specijalizirane namjene vrše poslove zaštite i spašavanja, koji imaju sljedeće karakteristike:

- a) radi se o složenijim i istovrsnim poslovima;
- b) za njihovo vršenje mora se koristiti odgovarajuća oprema, tehnička i druga sredstva;
- c) izvršioci tih poslova moraju imati odgovarajuće stručno znanje i stručnu osposobljenost za vršenje tih poslova.

Član 44.

(Obaveze Kantonalne uprave prema jedinicama civilne zaštite specijalizirane namjene)

(1) Kantonalna uprava ima obaveze na pripremanju, popuni, opremanju i obučavanju Kantonalnih jedinica civilne zaštite specijalizirane namjene.

(2) Obaveze iz stava (1) ovog člana za općinske jedinice ima općinska služba civilne zaštite.

Član 45.

(Finansiranje jedinica civilne zaštite specijalizirane namjene)

Finansijska sredstva potrebna za nabavku materijalno-tehničkih sredstava i opreme, obučavanje i osposobljavanje i druge potrebe za rad jedinica civilne zaštite specijalizirane namjene, osiguravaju se u budžetu Kantona, odnosno općine.

Član 46.

(Organi nadležni za formiranje jedinice civilne zaštite specijalizirane namjene i akt o formiranju)

(1) Formiranje jedinice civilne zaštite specijalizirane namjene na nivou Kantona vrši Vlada Kantona, na prijedlog Kantonalne uprave.

(2) Formiranje jedinice civilne zaštite specijalizirane namjene u općini vrši općinski načelnik, na prijedlog Općinske službe civilne zaštite.

(3) Odluka ili drugi akt o formiranju jedinice civilne zaštite specijalizirane namjene treba da sadrži:

- a) vrstu i veličinu jedinice koja se formira;
- b) osnovne zadatke jedinice;
- c) način popune potrebnim ljudstvom i potrebnom opremom i tehničkim sredstvima za njen rad;
- d) organ koji će se starati o toj jedinici (Kantonalna uprava ili Općinska služba civilne zaštite).

(4) Jednim aktom mogu se formirati sve vrste jedinica civilne zaštite specijalizirane namjene koje formira Kanton, odnosno općina, s tim da je potrebno svaku jedinicu pojedinačno obraditi i definisati sva pitanja koja se odnose na nju.

(5) U slučaju da općina nema sve uslove da formira vlastitu jedinicu civilne zaštite specijalizirane namjene, može to učiniti formiranjem zajedničke jedinice sa drugom ili više susjednih općina, na taj nači što će donijeti poseban akt (sporazum ili ugovor), u kojem se reguliraju sljedeća pitanja: vrsta jedinice ili više jedinica koje se formiraju, zadaci jedinice, područje na kojem će djelovati, način popune ljudstvom, opremom i tehničkim sredstvima, obuka jedinice, način upotrebe jedinice i druga pitanja važna za efikasan rad te jedinice i obaveze općina koje formiraju jedinicu.

Član 47.

(Vrste jedinica civilne zaštite specijalizirane namjene)

(1) Jedinice civilne zaštite specijalizirane namjene, u skladu sa zakonom, mogu se formirati za:

- a) zaštitu od požara;
- b) prvu medicinsku pomoć;
- c) zaštitu i spašavanje od neeksplozivnih ubojnih sredstava (NUS-a);
- d) radiološku, hemijsku i biološku zaštitu (RHB zaštita);
- e) zaštitu i spašavanje iz ruševina;
- f) asanaciju terena.

(2) U zavisnosti od vlastitih procjena i mogućnosti, mogu se formirati i druge jedinice civilne zaštite specijalizirane namjene.

POGLAVLJE IV. OPERATIVNI CENTAR CIVILNE ZAŠTITE

ODJELJAK A. KANTONALNI OPERATIVNI CENTAR CIVILNE ZAŠTITE

Član 48.

(Definicija i opća nadležnost)

(1) U sastavu Kantonalne uprave, organizira se Kantonalni operativni centar civilne zaštite (u daljem tekstu: Kantonalni centar).

(2) Kantonalni centar obavlja sljedeće osnovne vrste poslova:

- a) prikuplja podatke o pojavama i opasnostima na području Kantona, koje mogu dovesti do nastanka prirodne i druge nesreće;
- b) prikuplja podatke o posljedicama koje su nastale pojavom prirodne ili druge nesreće po ljude i materijalna dobra na ugroženom području;
- c) obrađuje prikupljene podatke i odmah ih dostavlja nadležnim organima vlasti i pravnim licima na odlučivanje;
- d) prenosi naredbe Kantonalnog štaba.

(3) Kantonalni centar obavlja poslove iz tačaka a), b) i c) ovog člana redovno svaki dan, a poslove iz tačke d) obavlja samo u vrijeme kada funkcionira Kantonalni štab, a to je za vrijeme nastanka prirodne ili druge nesreće na području Kantona i za vrijeme perioda otklanjanja nastalih posljedica.

Član 49.

(Radno vrijeme i broj izvršilaca)

(1) Kantonalni centar ima obavezu da radi stalno 24 sata.

(2) U Kantonalnom centru mora biti zaposleno najmanje pet izvršilaca, kako bi se obezbijedio rad u smjenama i u neradne dane (subota, nedjelja i praznici).

Član 50.

(Prikupljanje podataka)

(1) Kantonalni centar vrši prikupljanje podataka od:

- a) organa vlasti, javnih preduzeća i drugih pravnih lica;

b) građana i udruženja građana;

c) putem geografsko-informativnog sistema (GIS).

(2) Organi vlasti, javna preduzeća i druga pravna lica, u vrijeme obavljanja svoje redovne djelatnosti, dužni su dostavljati podatke odmah kada je pojava ili opasnost primijećena ili se za nju saznalo, zatim za vrijeme nastanka i djelovanja prirodne i druge nesreće i u toku vođenja aktivnosti na spašavanju ugroženih ljudi i materijalnih dobara, kao i za vrijeme trajanja aktivnosti na uklanjanju nastalih posljedica.

(3) Obaveza davanja informacija za građane i udruženja građana ista je kao i za organe vlasti i pravna lica, na način kako je to navedeno u stavu (2) ovog člana.

(4) Informacije se dostavljaju na broj 121 ili drugi broj kada se Bosna i Hercegovina uveže u Evropski sistem (112).

(5) Prikupljanje podataka putem geografsko-informativnog centra (GIS) vrši Kantonalni centar putem odgovarajućih materijalno-tehničkih sredstava i kompjuterskih programa kojima centar mora biti opremljen.

Član 51.

(Sredstva veza)

(1) Kantonalni centar u svom radu koristi stalne vlastite veze, frekventni spektar elektromagnetnih radijskih valova, čije korištenje odobrava federalni organ uprave nadležan za promet i komunikacije, te veze javnih telekomunikacijskih pravnih lica i drugih subjekata (radio i televizija, elektroprivreda, željeznice, kantonalni i općinski organi uprave i drugi posjednici veza).

(2) Imaoci sredstava veze obavezni su omogućiti prioritet u korištenju veza za potrebe rada operativnog centra za vrijeme postojanja prirodne ili druge nesreće.

Član 52.

(Uvezivanje sa Kantonalnim centrom)

(1) Sa Kantonalnim centrom povezuju se organi i pravna lica (davaoci informacija), i to:

- a) operativni centar Ministarstva unutrašnjih poslova Kantona,
- b) vatrogasne jedinice na nivou Kantona,
- c) ispostava BIHAMK-a u Kantonu,
- d) klinički centar,
- e) radio i televizija Kantona,
- f) aerodrom,
- g) pravna lica i udruženja građana koji su proglašeni za službe zaštite i spašavanja Kantona,
- h) javno vodoprivreno preduzeće na području Kantona,
- i) javno preduzeće za šume na području Kantona.

(2) Uvezivanje davaoca informacija sa Kantonalnim centrom vrši se po posebnom jedinstvenom planu veza, koji utvrđuje Federalna uprava civilne zaštite, u skladu sa zakonom.

ODJELJAK B. OPĆINSKI OPERATIVNI CENTAR CIVILNE ZAŠTITE

Član 53.

(Osnivanje Općinskog operativnog centra civilne zaštite)

(1) U sastavu Općinske službe civilne zaštite formira se Općinski operativni centar civilne zaštite (u daljem tekstu: Općinski centar).

(2) Dvije ili više susjednih općina mogu formirati zajednički operativni centar civilne zaštite.

(3) Aktom o osnivanju zajedničkog operativnog centra civilne zaštite (ugovor ili sporazum) potrebno je regulirati naročito:

- a) naziv općina koje formiraju zajednički operativni centar civilne zaštite;

- b) način popune potrebnim ljudstvom;
- c) način obezbjeđenja materijalno-tehničkih sredstava i opreme potrebne za rad zajedničkog centra;
- d) način finansiranja;
- e) način opsluživanja organa vlasti i pravnih lica svih općina sa podacima za koje je nadležan taj centar, i
- f) druga pitanja važna za rad i funkcioniranje zajedničkog centra.

Član 54.

(Organiziranje rada Općinskog centra)

(1) Općinski centar radi najmanje 8 sati (5 dana u sedmici), sa najmanje jednim izvršiocom, a za vrijeme postojanja prirodne ili druge nesreće, općina je dužna osigurati neprekidan rad od 24 sata, sa najmanje 5 izvršilaca, sve dok postoji nesreća na području općine i dok traju aktivnosti na otklanjanju nastalih posljedica.

(2) Rad Općinskog centra u vrijeme postojanja prirodne ili druge nesreće osigurava Općinska služba civilne zaštite i Općinski štab.

(3) Općina je ovlaštena da sama odluči da li njen centar treba da i u redovnim prilikama radi duže od 8 sati, kao i u dane kada se ne radi (subota, nedjelja i praznik), zavisno od procjene i materijalnih mogućnosti.

Član 55.

(Način uzbunjivanja)

(1) Općinski centar vrši uzbunjivanje stanovništva u slučaju prijetnje opasnosti od nastanka ili kad je nastala određena prirodna ili druga nesreća, upotrebom određenih tehničkih i drugih sredstava (instalirane sirene, zvona i sl.).

(2) Uzbunjivanje se vrši znacima za uzbunjivanje koji su jedinstveni za cijelu Federaciju Bosne i Hercegovine i propisani su federalnim podzakonskim propisom.

(3) Odmah po davanju znaka opasnosti, operativni centar je obavezan dati saopštenje putem elektronskih medija o razlozima davanja znaka opasnosti.

(4) Postupanje radio i televizijskih stanica u vezi davanja saopštenja propisano je zakonom.

POGLAVLJE V. PROGRAMIRANJE I PLANIRANJE

Član 56.

(Planska dokumenta iz oblasti zaštite i spašavanja u Kantonu)

(1) Kanton je obavezan da ima sljedeća planska dokumenta iz oblasti zaštite i spašavanja:

- a) Procjenu ugroženosti od prirodnih i drugih nesreća u Kantonu (u daljem tekstu: Procjena ugroženosti);
- b) Program razvoja zaštite i spašavanja od prirodnih i drugih nesreća u Kantonu (u daljem tekstu: Program razvoja), i
- c) Plan zaštite i spašavanja od prirodnih i drugih nesreća u Kantonu (u daljem tekstu: Plan zaštite i spašavanja).

(2) Izradu Procjene ugroženosti, pripremu Programa razvoja i predlaganje Plana zaštite i spašavanja vrši Kantonalna uprava.

(3) Pored Kantonalne uprave, u izradi planskih dokumenata iz stava (1) ovog člana moraju učestvovati sva kantonalna ministarstva i uprave, svako za pitanja iz oblasti za koju je nadležan.

(4) Organi iz stava (3) ovog člana predlažu rješenja koja se odnose na zaštitu i spašavanje u svojoj oblasti, a Kantonalna uprava ima ulogu osnovnog organizatora i koordinatora aktivnosti tih organa uprave na izradi planskih dokumenata.

(5) Kantonalna uprava, u cilju izrade planskih dokumenata iz stava (1) ovog člana, predlaže Vladi Kantona donošenje akta (rješenje ili odluka), kojim određuje interesornu grupu za izradu

tih dokumenata, sastavljenju od predstavnika svih kantonalnih organa uprave.

Član 57.

(Usklađivanje planskih dokumenata)

(1) Program razvoja i Plan zaštite i spašavanja moraju biti usklađeni sa Programom razvoja zaštite i spašavanja od prirodnih i drugih nesreća u Federaciji Bosne i Hercegovine i Planom zaštite i spašavanja od prirodnih i drugih nesreća u Federaciji Bosne i Hercegovine.

(2) Usklađivanje, u smislu stava (1) ovog člana, odnosi se samo na ona pitanja koja su u federalnim planskim dokumentima utvrđena kao obaveza Kantona.

(3) U okviru obaveze iz stava (2) ovog člana, Kanton je dužan u svom Programu razvoja i Planu zaštite i spašavanja utvrditi organizaciju, odrediti mjere i aktivnosti, snage i sredstva, koji su potrebni da bi se obaveze iz federalnih planskih dokumenata mogle realizovati na području Kantona.

(4) Obaveza usklađivanja, u smislu ovog člana, nastaje kada Federalna uprava civilne zaštite dostavi Kantonalnoj upravi izvode iz Programa razvoja zaštite i spašavanja od prirodnih i drugih nesreća u Federaciji Bosne i Hercegovine i Plana zaštite od prirodnih i drugih nesreća u Federaciji Bosne i Hercegovine, u kojim su sadržane obaveze Kantona.

Član 58.

(Organi nadležni za izradu i donošenje planskih dokumenata)

(1) Izradu planskih dokumenata iz člana 56. vrše Kantonalna uprava i kantonalna ministarstva i uprave.

(2) Program razvoja donosi Skupština Kantona, na prijedlog Vlade Kantona.

(3) Vlada Kantona donosi Procjenu ugroženosti i Plan zaštite i spašavanja.

Član 59.

(Obaveze na realizaciji zadataka utvrđenih planskim dokumentima)

(1) Svako ministarstvo i uprava obavezni su realizirati zadatke utvrđene u Planu zaštite i spašavanja, koji se odnose na oblast za koju su osnovani.

(2) Preventivna zaštita provodi se u okviru obavljanja poslova iz svoje redovne nadležnosti i ona se mora planirati u godišnjem programu rada ministarstva ili uprave.

(3) Mjere zaštite i spašavanja predviđene u fazi spašavanja i fazi otklanjanja nastalih posljedica provode se u tim situacijama, prema naredbama štaba civilne zaštite, koji na tom području rukovodi akcijama zaštite i spašavanja.

(4) Kantonalna uprava je dužna koordinirati i podsticati kantonalna ministarstva i uprave na realizaciji utvrđenih zadataka u Planu zaštite i spašavanja, te usmjeravati njihove aktivnosti kako bi izvršili zadatke iz njihove nadležnosti.

Član 60.

(Usklađivanje planskih dokumenata općina i drugih subjekata)

(1) Općina je obavezna da svoj Program razvoja zaštite i spašavanja od prirodnih i drugih nesreća i Plan zaštite i spašavanja od prirodnih i drugih nesreća uskladi sa Programom razvoja i Planom zaštite i spašavanja, samo u odnosu na zadatke koji su za općinu utvrđeni u ovim kantonalnim planskim aktima.

(2) Obaveza općine, u smislu stava 1. ovog člana, podrazumijeva da u svojim planskim aktima utvrdi organizaciju,

odredi mjere i aktivnosti, snage i sredstva, potrebne za realiziranje zadataka, koji su za općinu utvrđeni u kantonalnim planskim aktima.

(3) Obaveza usklađivanja, u smislu stava (2) ovog člana, nastaje nakon što Općinska služba civilne zaštite dobije od Kantonalne uprave izvode iz Programa razvoja i Plana zaštite i spašavanja.

(4) I drugi subjekti su obavezni svoj Plan zaštite i spašavanja od prirodnih i drugih nesreća uskladiti sa općinskim i kantonalnim planskim aktima, navedenim u ovom članu.

POGLAVLJE VI. RADNI ODNOSI

Član 61.

(Rad duži od punog radnog vremena)

(1) Na službenike i namještenike Kantonalne uprave primjenjuju se propisi koji važe za službenike i namještenike u organima uprave Kantona, ako ovim Zakonom nije drugačije uređeno.

(2) Službenici i namještenici Kantonalne uprave dužni su poslove obavljati i duže od punog radnog vremena, u skladu sa zakonom, kada to zahtijevaju potrebe službe, u slučajevima:

- a) dežurstva,
- b) obuka i vježbe,
- c) provjere spremnosti štaba, jedinica i službi civilne zaštite,
- d) akcije zaštite i spašavanja,
- e) drugi neodložni poslovi.

Član 62.

(Prava zaposlenika po osnovu uslova rada)

(1) Zbog posebnih uslova rada, težine i prirode poslova i odgovornosti za njihovo obavljanje, u budžetu Kantona visina sredstava za plaće rukovodilaca, službenika i namještenika Kantonalne uprave određuju se kao u kantonalnim organima uprave, uvećana do 20%.

(2) Vrsta poslova i broj izvršilaca koji ostvaruju ovo pravo utvrđuje se Pravilnikom o unutrašnjoj organizaciji Kantonalne uprave.

(3) Općina će svojim propisom utvrditi analogne kriterije iz ovog člana za plaće zaposlenika u Općinskoj službi civilne zaštite.

Član 63.

(Status pripadnika timova za deminiranje)

(1) Pripadnicima timova za deminiranje koje organizira Kantonalna uprava, koji se angažiraju na poslovima deminiranja i uklanjanja NUS-a, pored prava utvrđenih Zakonom o deminiranju u Bosni i Hercegovini, obezbjeđuje se i poseban dodatak u visini od 50 - 120% od osnovne plaće namještenika srednje školske spreme, zbog posebnih uslova rada, specifičnosti u obavljanju poslova i opasnosti po život na obavljanju poslova deminiranja.

(2) Dodatak iz stava (1) ovog člana pripada samo onda kada pripadnici tih timova neposredno na terenu obavljaju poslove deminiranja ili uklanjanja NUS-a.

(3) Pravilnikom o plaćama i naknadama Kantonalne uprave određuju se radna mjesta i pripadajući procenat posebnog dodatka iz stava (1) ovog člana.

(4) Sredstva iz stava (1) ovog člana obezbjeđuju se u budžetu Kantona, na prijedlog Kantonalne uprave.

(5) Odredbe ovog člana primjenjuju se i na timove koje formira općina.

POGLAVLJE VII. PRELAZNE I ZAVRŠNE ODREDBE

Član 64.

(Obaveze općina na usklađivanju svojih propisa)

Općine su dužne svojim propisima urediti pitanja zaštite i spašavanja ljudi i materijalnih dobara od prirodnih i drugih nesreća, koja su im stavljena u nadležnost ovim Zakonom, odnosno svoje propise iz ove oblasti uskladiti s odredbama ovog Zakona, u roku od 90 dana od dana stupanja na snagu ovog Zakona.

Član 65.

(Plan održivosti timova civilne zaštite za deminiranje i uklanjanje NUS-a i preuzimanje njihovih pripadnika)

(1) Kantonalna uprava će pripremiti Plan održivosti timova civilne zaštite za deminiranje i uklanjanje NUS-a u Tuzlanskom kantonu nakon 01. 01. 2010. godine, te u roku utvrđenom Federalnim zakonom preuzeti u stalni radni odnos pripadnike svojih timova, kao i pripadajuću opremu i sredstva, u skladu sa ovim Planom.

(2) Plan održivosti iz stava (1) ovog člana donosi Vlada Kantona.

Član 66.

(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
TUZLANSKI KANTON
Skupština
Broj: 01-02-456-9/08
Tuzla, 29. 10. 2008. godine

Predsjednik
Skupštine Tuzlanskog kantona,
mr. sci. Amir Fazlić, v.r.